



Province of the  
**EASTERN CAPE**  
EDUCATION

**NATIONAL  
SENIOR CERTIFICATE**

**KEREITI 12**

**LOETSE 2012**

**SESO THO PUO YA LAPENG – PAMPIRI YA 2  
MEMORANTAMO**

**MATSHWAO: 80**

---

Memorantamo ena e na le maqephe a 15.

---

**KAROLO YA A: DITHOTHOKISO****POTSO YA 1 LO 2, AS 2 (subskills 1,2,3 &10; AS 4 (subskill 7 – 8)****Majakane – T Leballo**

Ke thothokiso ya mofuta wa tomatso. Bangodi/dithothokisi di ngola tomatso ha ho na le seo ba se nyatsang maamong a bophelo.

**Makgabane/bonono ba bothothokisi**

Sethothokisi se sebedisitse karaburetso ya kutlo: mel. 1 le 2, ho fana ka morethetho.

Poeletsomodumo ya 'b' mol. 3 ho natefisa.

Neeletsano e qalong: mel. 6, 7, 8 (bonang) le 13, 14, 15 (le) ho hokella melathothokiso.

Phetapheto ya moelelo: mel. 6, 7 le 11, 12 ho sidilella/hatella mohopolo.

Phetapheto ya sebopelo/phetapopelo: mel. 6, 7 le 9, 10 ho lekalekanya mela le ho fana ka morethetho o itseng.

[Moithuti ya hlalositseng makgabane a mararo, a ba a fana ka mabaka a abelwe matshwao ohle a dikahare, e be ho lekolwa hore puo le setaele ke tse loketseng moqoqo – ho ngola ka diratswana, jj. ho shejwe hore o lokelwa ke matshwao a makae ho a mane.]

E.H. Lekola rubriki ya tekanyetso ya potso ena.

[10]

**E.H. Hona** e mpa e le mohlala wa nehelano e lebelletsweng.

**Kabo ya matshwao**

Dikahare (k.h.r. dintlha tse bopang karabo) = 6  
 Puo, setaele (selelekela le ditaba) = 4  
 [10]

Senotlolo: **Dik:**

**P/S:**

**POTSO YA 2 LO 2, AS 2 (subskills 1,2,3 &10; AS 4 (subskill 7 – 8)****Re ka kgona – RN Phume** √√

2.1 Temathothokiso ya pele e temekisong ya bokgoni, athe ya bobedi e fana ka dithibelo tse ka etsang hore re se kgone. √√

2.2 “Re” √√

2.3 Sejura/kgefutsohare le enjambamente/molatswelli/molamotjetje/pholletso

2.4 Sejura e katla/kgina morethetho, ha enjambamente e ntshetsa mohopolo ho tloha moleng o ka hodimo ho isa ho o latelang ho se letshwao la ho bala. √√

2.5 Re ratana ka rato la boena √√

[10]

**POTSO YA 3 LO 2, AS 2 (subskills 1,2,3 &10; AS 4 (subskills 7 – 8)**

3.1 E, ho jwalo. √ Mmadiberwane ke mosadi ya sa qeteng ho bua a bile a kgantsha dikgoka. √√

3.2 3.2.1 **Motho e le** sentebale nonyana ya lewatle/**Motho e le** setshwana se moropotsana  
KAPA: **Ngwana** a rafophile a tshabile lefatshe/**Ngwana** e le seilatsatsi wa tshomong ena e bonahala e sa amane le potso√√

3.2.2 Theka eka la mmamodukule √

3.3 Phetapopeho/phetapheto ya sebopelo/phetapheto ya moelelo √

3.4 Ke tomatso √

3.5 Sepheo ke ho nyatsa diketso le boitshwaro ba bommadiberwane√√

[10]

**POTSO YA 4 LO 2, AS 2 (subskills 1,2,3 &10; AS 4 (subskills 7 – 8)**

4.1 Wa ba wa bona ke fela ke tswetswe le bona/Wa hlokomela hore ho bo tlosa ho tla nkimela/Ka o bontsha ba ka bokgunyedi ha se ba boomo √√/ Ka o bontsha b aka bokgunyedi ha se ba boomo.

4.2 poeletsomodumo – phetapheto ya “b” √√

4.3 “Ka pene letsohong...”√√

4.4 Phetapheto ya “ka” melathothokisong e mmedi e qalang, le “wa” melathothokisong e mmedi e qetellang. √√

4.5 D/ kaofela di nepahetse√√

[10]

**POTSO YA 5 LO 2, AS 2 (subskills 1,2,3 &10; AS 4 (subskills 7 – 8)****Ebang o potlaka - RN Phume**

Ke mofuta wa thothokiso wa temoso. Mongodi o lemosa batho ka kotsi ya ho potlaka, k.h.r. ho tatela ditaba/dintho.

**Makgabane/bonono ba bothothokisi:**

Ho na le neheletsano eo e leng phetapheto ya mantswa e tsepameng: melathothokisong ya 1, 2 le 3. Hona ho hokella mela. {E.H. ena ha se neheletsano e bitswang lehokela, e ka mpa ya bitswa hlaahlela e qalong.}

Molathothokisong wa 7 re fumana poeletsomodumo ya “p”, ho fana ka morethetho o monate.

Melathothokisong ya 13 le 14 re fumana sejura/kgefutsohare/molakgefutso, o fanang ka morethetho wa “kg” ho natefisa le ho kgina morethetho.

[10]

Melathothokisong ya 3/4, 7/8/9 le 10 re fumana enjambamente/molatswelli/molamotjetje/pholletso. Yona e hokella melathothokiso ho ya ka mehopolo e jerweng ke melathothokiso eo.

[Moithuti ya hlahositseng makgabane a mararo, a ba a fana ka mabaka a abelwe matshwao ohle a dikahare, e be ho lekolwa hore puo le setaele ke tse loketseng moqoqo – ho ngola ka diratswana, jj. ho shejwe hore o lokelwa ke matshwao a makae ho a mane.]

E.H. Lekola rubriki ya tekanyetso ya potso ena.

**E.H. Hona** e mpa e le mohlala wa nehelano e lebelletsweng.

**Kabo ya matshwao**

Dikahare (k.h.r. dintlha tse bopang karabo) = 6  
 Puo, setaele (selelekela le ditaba) = 4  
 [10]

Senotlolo: **Dik:**  
**P/S:**

**POTSO YA 6 LO 2, AS 2 (subskills 1, 2, 3 & 10; AS 4 (subskills 7 – 8))**

6.1 Ke sonete √√

6.2 “tla”. Hona ho fana ka modumo wa “tl” o etsang morethetho. √√√

6.3 enjambamente/molatswelli/molamotjetje/pholletso jj. √

6.4 D/ kaofela di nepahetse√√

6.5 Ke ho lemosa babadi hore ho potlakela dintho ha ho na molemo. √√

**[10]**

**KAROLO YA B: PADI/NOBELE****POTSO YA 7 – BOTSANG LEBITLA LO 2, AS 4 (subskills 3 – 6)**

Selelekela

Jwalo ka baphetwa bohle dibukeng – esita le jwalo ka batho bohle bophelong, Tsietsi o bile le bahanyetsi ba mmalwa, ba kang Mmamasolomane/Dibakiso, nkgono Mmaselepe le monnamoholo ya mo utswisitseng tjhelete. Empa mohanyetsi ya ka sehlohong ke Mohanuwa.

Mohanuwa

Tsietsi o fihla a sebetsa ha Ramatlotlo, o kgahlwa ke Mohanuwa, moradia Ramatlotlo. Tsohle di ya ka theko ho fihlela Mohanuwa a hloka botshepehi. O ratana le Makgaola, ebile o ima ngwana hae. Nengneng ha Makgaola a se a kgaotse, Mohanuwa o leka ho lokisa ditaba, empa Tsietsi ha a sa le moo ka tseo. Jwale bohanyetsi bo matla ba qalella ka sekgahla sa ho bolaya motho. Tsietsi o tlohile ha Ramatlotlo, empa Mohanuwa a mo sala morao. Mohanuwa o bile ya ba moetapele wa dikweta tseo a neng a di roma ho tsoma Tsietsi nyene le bosiu.

Hona ho etsa hore boiphetetso ba Tsietsi, boo a neng a batla ho bo etsa ho Kotsi, bo fetole mebala, ka ha Mohanuwa le ba lesika la hae ba fihletse Tsietsi le Tseleng morung, yaba ho kupa e mahlo mafubedu. Tseleng o a hlokahala. Hona ho mpefatsa ditaba le ho feta, ka ha Tsietsi le yena o hlapanya ho lefeletsa lefu la Tseleng. Ka mona Tsietsi o baleha mapolesa, ka mona o tsoma boMohanuwa. Ka mona o batlwa ke mapolesa, ka mona o tsongwa ke boMohanuwa! Qetellong, ha Tsietsi a se a bolaile Tjhaile le Mohanuwa, o inehela mapoleseng. Ditaba tsena di netefatsa hore Mohanuwa ebile mohanyetsi wa sehloho wa Tsietsi. [Ditaba di ngata tseo baithuti ba ka tlang ka tsona. Ha fela di le motjheng, di amohelwe]

E.H. Lekola rubriki ya tekanyetso ya potso ena.

**E.H. Hona** e mpa e le mohlala wa nehelano e lebelletsweng.

**Kabo ya matshwao**

Dikahare (k.h.r. dintlha tse bopang karabo) = 15

Puo, setaele (selelekela, ditaba le phethelo)=10

[25]

Senotlolo: **Dik:**

**P/S:**

[25]

**POTSO YA 8 – BOTSANG LEBITLA****LO 2, AS 4 (subskills 3 – 6) and LO 3, AS 1 - 3**

- 8.1 Di ne di tsoma Tsietsi. √ Yena le Tseleng ba thobile sepetlele moo Tsietsi a neng a lebetswe ke mapolesa teng/ Tsietsi o ne a se a phelephanyeditse mopolosa le ka ho ba nkela le koloi ya bona ya mmuso. √√
- 8.2 Ke Mohanuwa. √ O ne a tseka hore Tsietsi ha a ya boela ho yena ka tsa marato. √√
- 8.3 Tseleng. √ E ne e le mooki. √√
- 8.4 C/ Mapolesa, dikweta √
- 8.5 Mapolesa le dikweta ba ne ba tsoma Tsietsi, le hoja ba ne ba sa sebetse mmoho. √√
- 8.6 O tshitja. √ Le hoja Kotsi a hodisitse Tsietsi ka thata, o bile mosa ka ho mo hodisa. √√
- 8.7 O utswisitswe radiyo √ le tjehelete. √
- 8.8 Ho jwalo (Ee). √ Tsena di entse hore Tsietsi a be le moya wa boiphetetso. √√
- 8.9 Ke ne ke tla leka matsapa a ho iphedisa ke sa itshetleha ka motho le ya mong. Ke ne ke tla ipatlele mosebetsi. ( Motshwayi a amohela dikarabo tsohle tse nang le maikutlo a arabang potso) √√√√√

**[25]****POTSO YA 9 – MME LO 2, AS 4 (subskills 3 – 6)****Selelekela**

Kgohlano ke maemo a ditaba a lwantshanang le botho ba motho. Ha hona ho etsahala, motho a ka ba le ho tsukulwa ke maikutlo kapa dikamano tsa hae le ba bang di bonahale di mpefetse. Dikeledi/Mmateboho o bile le mefuta ena ya kgohlano ka bobedi.

**Kgohlano ya Dikeledi/ Mmateboho**

Dikeledi o bile le kgohlano ya ka hare (ya maikutlo) ha Tsekiso a ne a bapala ka yena ditabeng tsa marato a bongwana. O boela ho hohleha maikutlo ha a fihla mothating wa hore a nyalwe ke Thollo Mofokeng, eo a neng a se na dipuisano le yena mabapi le ho theha ntlo. Le hoja lenyalo lena le ne le mo fa maikutlo a hore o tla lefeletsa ditsheho tseo boThulisile ba neng ba mo ja tsona, o bile le ho se tshepe hore ruri lenyalo lena le tla loka. Kgatello ena ya maikutlo ya etsa hore a lore toro e tshosang, moo ho yona a neng bona a sotlehile lenyalong, bana ba bona le Thollo ba le baputswa, ba le mamina. Nengneng ha a tla tsoha a nyalwa, maikutlo a mo nka le bosiu, o tsoha a le mabitleng, a sa tsebe hore o ile neng, jwang.

Ha mmela o ntse o puta Dikeledi a fela a nyalwa, ya e ba Mmateboho. Kgohlano e kantle e hlahella ha a se a na le dikamano le mophetwa ya bitswang Mme, haholoholo ha Mme a se a hlokahetse. O qwaketsana le bafokeng ka ho patela Mme moo ha bona (moo e ntseng e le hahae). Empa o pholoswa ke molamo wa hae Diseko. Ka hoo, Dikeledi/Mmateboho o bile le mefuta e mmedi ya kgohlano bophelong ba hae – kgohlano ya ka hare, le ye ka ntle (e amang yena le batho ba bang).

[Ditaba di ngata tseo baithuti ba ka tlang ka tsona. Ha fela di le motjheng, di amohelwe]

E.H. Lekola rubriki ya tekanyetso ya potso ena.

**E.H. Hona** e mpa e le mohlala wa nehelano e lebelletsweng.

**Kabo ya matshwao**

Dikahare (k.h.r. dintlha tse bopang karabo) = 15

Puo, setaele (selelekela, ditaba le phethelo)=10

[25]

Senotlolo: **Dik:**

**P/S:**

[25]

**POTSO YA 10 – MME LO 2, AS 4 (subskills 3 – 6) and LO 3, AS 1 – 3**

- 10.1 Ke ho thola sepatjhe se nang le tjhelete/ Rakgadi o ne a sa kgolwe hore Dikeledi o thotse mokotla o nang le tjhelete. √√
- 10.2 Ba bang ba ne ba rekisa mebele ya bona. √√
- 10.3 O ne a sa rekise mmele. √  
Ha a ya pata hore o thotse mokotla o nang le tjhelete. √
- 10.4 D/ Dikeledi le Tsekiso. √
- 10.5 Dikeledi le Tsekiso ba kile ba ba le dikamano tsa lerato. √√
- 10.6 E ne e le ya Thollo Mofokeng √
- 10.7 Ho jwalo. √ Thollo ha a ya batla ho tseba letho ka Mme, athe le ba habo ba ne ba so mo etele ho tla bona mofumahadi wa hae e motjha. Ba a tshwana ka ho se tsotelle. √√
- 10.8 Ke Diseko. √ O buile tsena ka mora lepato la Mme. √√
- 10.9 Ho jwalo (Ee). √ Ha Mofokeng a ne a bone Mme a ka be a motsebile e le mofumahadi wa hae wa matswathaka √√
- 10.10 Ke ha Mme a se a hlokahetse. √ Kgohlano e boemong bo hodimo, athe le tharollo e latela ka mora mona. √√
- 10.11 Ke ne ka tla ba jwetsa hore ba ntswele ka ntlo, ha ba ya ka ba tla ho tla nkamohela bohadi jj. (Motshwayi a amohele maikutlo le ha e le afe, ha fela e le a arabang potso, le ha eba a jwang) √√√

[25]

## KAROLO YA C: TSHWANTSHISO/TERAMA

### POTSO YA 11 – SEYALEMOYA LO 2, AS 4 (subskills 9 – 11) and LO 3, AS 1 - 3

#### Ha le thakgiswe

##### Selelekela

Tshwantshiso e na e bontsha kgohlano ya bodumedi dipakeng tsa monna le mosadi, e leng Sebuweng le Kotopi. Potso e re qosa ho shebana/sekaseka ditaba tsa tshwantshiso e le ha re netefatsa maele a reng: “Ngwana mahana ho jwetswa o bonwa ka dikgapha” le ho utulla molaetsa wa sengolwa.

#### “Ngwana mahana ho jwetswa...”

Sebuweng ha a dumele ditabeng tsa badimo le ditlhare tsa setso. Yena o dumela hore thapelo e yang ho Modimo e anetse ho lokisa ditaba tsa lelapa. Ka lehlakoreng le leng monnae Kotopi yena o di bona ka mmoho taba tsena. Yena o re ho ka nna ha rapelwa empa ho ntse ho sebediswa le bohokedi ba badimo le ditlhare tsa setso. Ngwana mahana ho jwetswa mon ehlile ke yena Kotopi. O lora toro moo baholo ba hae (badimo) ba mmontshang tsela e sa hlakang ya ho atisa leruo la haeMme ha ba sirela hohlaha Makau, ngakantshonyana e tummeng le ho tshajwa ka ha o a retla le ho retla. Kotopi ha a phaphama torong eo o hlalose tsa mohatsae Sebuweng, ebile o nka qeto ya ho ikopanya le Makau ka seqo, ba tsebe ho buisana ka se lokelang ho etsuwa mabapi le ditaba tsa toro. Sebuweng o phephetha ditaba tsena, haholoholo ka ha di kentse Makau ka hare. Kotopi o ngangella ho etsa se tla kgotsofatsa yena, ka ha o re ke yena ya batlang leruo, ha se Sebuweng.

O fela a kopana le Makau, eo (Makau) o mmolella hore o lokela ho rwala, mme setlhare sa ho rwala se hloka a fumane ditho tse itseng tsa motho – hona ho hlile ho bolela hore a bolaye motho. Le hoja a tshoswa ke taba ena, o tswela pele ka letsholo la ho tsoma phofu, a thuswa ke motswallae Rampou. Nengneng ho hlaha ditaba tsa ho retlwa ha monna ya bitswang Moletsane. Le pele Sebuweng a utlwa ditaba ka botlalo, o se a ntse a belaela Makau, ngakantshonyana. Kotopi o se a hlalhelwa ke pono ya monna eo ba mmolaileng. Sebuweng o se a utlwa Kotopi a bua a tshohile a re ha se yena ya bolaileng Moletsane ke Rampou. Jwale o se a tshohile hoo ho bonahalang hore kgotso e fedile ho yena. Tsena di etsahala bitsong la hobane a sa ka a mamela ha mohatsae a mo eletsa, efela ngwana mahana ho jwetswa a bonwa ka dikgapha.

#### Molaetsa

Hona le melaetsa e mmalwa e ka utullwang sengolweng sena. O mong ke hore motho a se no nka toro jwalo ka ha e le jwalo, a e sekaseke pele a nka bohato. Athe ka hlakoreng le leng re rutwa ho se nyatse ba re eletsang, re be se re qeta re sa mamedisise hore dikeletso tsa bona ke tse fokolang. [Le tse ding ditaba tse ntseng di sekametse ho tsena batshwayi ba di amohele.]



**E.H. Hona** e mpa e le mohlala wa nehelano e lebelletsweng.

**Kabo ya matshwao**

Dikahare (k.h.r. dintlha tse bopang karabo) = 15

Puo, setaele (selelekela, ditaba le phethelo)=10

[25]

Senotlolo: **Dik:**

**P/S:**

[25]

**POTSO YA 12 – SEYALEMOYA LO 2, AS 4 (subskills 9 – 11) and LO 3, AS 1 - 3**

**Ha se boya ba ntja**

12.1 Ke baratani √√

12.2 Ho tsekela ha Lesodi.√ Pela le Maleshwane. √√

12.3 Ke ya maikutlo (ya ka hare). √ Ha a tsebe hore a hlalose tse Lesodi jwang hore o imme ngwana eo eseng wa hae. √√

12.4 Ke ha Lesodi a batla ho nyala Kgasiane. √√

12.5 Tjhe. √ A ka be a sa imiswa ke mohlankana e mong. √√ (Maikutlo a baithuti a tla otlatlana, a tsamaelanang le potso a amohelehe.)

12.6 Ha a tshepahale. √√ O ratane le mohlankana e mong a ntse a e na le Lesodi. √√ (Le tse ding dintlha tse motjheng di amohelehe.)

12.7 Lesodi o nahana hore ke yena ya imisitseng Kgasiane. √√

12.8 Se nahanwang ke Lesodi ha se nnete, hobane ngwana ha se wa hae, ka hoo “ha se boya ba ntja.” √√

12.9 Ke ne ke tla mo nyahlatsa. Ke ne ke tla re re arohane. Ke ne ke tla tlohela ho batla ho mo nyala. (tse pedi di anetse) √√√√ (Le amang maikutlo a motjheng a amohelehe.)

[25]

**POTSO YA 13 – HAESO MAFOTHOLENG**  
**LO 2, AS 4 (subskills 9 – 11) and LO 3, AS 1 - 3**

**Selelekela**

Molefi o ne a lokela ho nyala Montsheng, ngwanana wa ha habo Mafotholeng. Ho se ho bile ho buisanwe le ba habo Montsheng. Molefi o se a kwenehela Montsheng, a mo taka mebala ka puo tsa hae tse soto – tse kang Montsheng o nkgahafi, ha a ya ruteha e bile ha a tsebe ho bapala papadi ya lerato. O se a kgahluwe ke Jwalane, kgarebe ya ditoropong e rutehileng. Molefi o e qadile taba! Mapetla, molwantshi wa Molefi, o boletse hore o tla dubisa lelapa labo Molefi thankga. Potso ke hore na, ebe ketso ee ya Molefi ya ho kwenehela Montsheng ha e ntshetse pele leano la Mapetla na? Le ha ho le jwalo potso e re tlama ho qoqa ka sehlohlolo le mothipoloho wa tshwantshiso ena.

**Sehlohlolo**

Ona ke mothati oo diketsahalo tsa sengolwa di leng boemong bo hodimodimo. Ho lokela ho be le lehlakore kapa maikutlo a fekisang a mang. Molefi o se a bile a romela ba habo ho ya buisana ka tsa bohadi boo a bo ntshetsang Morongwe. Enwa o itshwara hampe le ho feta Jwalane. Le yena o arabisa batswadi ba Molefi, ha a mamele motho. Disebo o bile a mo otlala hoo a mo ntshitseng madi. Morongwe ha a kgalemelehe hohang. O mathaka le banna ba bang a ntse a nyetswe. Qetellong o fumanwa le monna e mong ba se na le nketlana thekeng. Molefi o ba otlala ka bobedi, ebile o hlala Morongwe. Molefi o hlotse ke basadi. Mapetla o bonahala a hlotse Molefi – ka nnete o e dubile thankga!

**Mothipoloho/tharollo**

Mona boemo ba diketsahalo tsa sehlohlolo bo a fokotseha, mme kgang le kgohlano di a fela. E se neng Molefi o nkuwa ke ntho tsa bosiu. Ho fela jwalo ka Molefi. Ntatae Pitso ke hona a nahanang ka ngaka ya methokgo eo e saleng ba eletswa ka yona ke sebare sa hae Kgolwane le mohatsae Mojabeng. Kgohlano e ya fela hobane Pitso ha a sa tla ngangisana le ba lelapa ka ho upella kapa ho se upelle motse. Lehlakore la ho se dumele ho tsa setso le ya inehela empa ke serobe se ahwang phiri e se e jele. Mapetla o atlehile.

E.H. Lekola rubriki ya tekanyetso ya potso ena.

**E.H. Hona** e mpa e le mohlala wa nehelano e lebelletsweng.

**Kabo ya matshwao**

Dikahare (k.h.r. dintlha tse bopang karabo) = 15

Puo, setaele (selelekela, ditaba le phethelo)=10

[25]

Senotlolo: **Dik:**

**P/S:**

[25]

**POTSO YA 14 – HAESO MAFOTHOLENG  
LO 2, AS 4 (subskills 9 – 11) and LO 3, AS 1 - 3**

- 14.1 O sepetlele. ✓
- 14.2 Ee (Ho jwalo). ✓ O re o na le bahlankana ba bane ba nnete, mme Molefi e tla ba wa bohloano/Athe o na le ba bang hape ba mohlantso oo feela. ✓✓
- 14.3 Ee. ✓ O se a phoquwe ke Jwalane peleng. ✓✓
- 14.4 Takadimane le Mofammere. ✓✓
- 14.5 D/A le B di nepahetse. ✓✓
- 14.6 Ha a na kereke eo a e kenang. O batla thuso mothong ya sebedisang metsi. Le yena ha a tsebisise hore o tla fela a mo thusa na. ✓✓✓
- 14.7 Ke Molefi. Diketsahalo tsa tshwantshiso kaofela di dikile ka bophelo ba hae. ✓✓✓
- 14.8 Mafotholeng (Leribe) ✓  
Maseru ✓
- 14.9 Mafotholeng o ne a itahisa e be o loya ka boyena, athe Maseru o ne a neha Ngatane le Ramafothole meriana ho loya Molefi. ✓✓✓✓
- 14.10 Ke hona Pitso a batlang ngaka Molefi a se a nkilwe ke ntho tsa bosiu (a thwebotswe). ✓✓

**[25]****MATSHWAO OHLE A PAMPIRI ENA: 80**

## ADDENDUM 1 TO THE MEMORANDUM (SECTION A)

## KAROLO YA HO LEKANYETSA POTSO E TELELE (MOQOQO) THOTHOKISONG

THOTHOKISO YA MOQOQO		Phihlello e babatsehang	E kgabane	E ntle	E mahareng	E fofo	Karolwana fela	Ha ho phihlello
<b>MATSHWAO A 10</b>	<b>PUO</b> Sebopeho, tlhophiso ya mehopollo le nehelano e momahaneng	-Sebopeho se na le kgokahano e babatsehang  -Selelekela le qetelo di hlahisitswe ka tsela e babatsehang	-Sebobeho sa moqoqo wa hae se hlahisitswe ka bokgabane  -Selelekela le qetelo di hlahisitswe ka bokgabane, mme di paka kutlwisiso	-Sebopeho sa moqoqo se a utlwisiseha, mme dintlha di behilwe ka tatellano  -Selelekela, qetelo le diratswana tse ding di hlophisitswe ka tsela e nang le momahano	-Ho na le bopaki bo seng bokae ba hore sebopeho sa moqoqo se latetswe ka tshwanelo  -Moqoqo o bontsha tlhophiso e mahareng, mme kgokahano ya ditemana moqoqong ke e mahareng	-Sebopeho se bontsha diphoso tsa moralo  -Nehelano ya dintlha ha e utlwahale, mme ha e ya hlophiswa ka tsela e etsang thalohanyo	-Sebopeho ha se a ralwa ka tshwanelo, mme se nyotobetsa moelelo wa seo a lekang ho se bua  -Diphoso tsa tshebediso ya puo le setaele di a sitisa, mme di nyotobetsa moelelo kahohlehohle	-Ha ho bopaki bo lekaneng bo bontshang hore moqoqo o ngotswe ho ipapisitswe le sebopeho  -Nehelano ha e bontshe hore o utlwisisa potso  -Ditaba tsa hae ha di utlwahale
<b>DIKAHARE</b>  Kutlwisiso ya potso, botebo ba tshkatsheko ya taba. Kutlwahalo le netefatso ya thothokiso ka mabaka		<b>Kgato ya 7</b>  80 – 100%	<b>Kgato ya 6</b>  70 – 79%	<b>Kgato ya 5</b>  60 – 69%	<b>Kgato ya 4</b>  50 – 59%	<b>Kgato ya 3</b>  40 – 49%	<b>Kgato ya 2</b>  30 – 39%	<b>Kgato ya 1</b>  0 – 29%
-O bontsha kutlwisiso e tebileng ya potso, mme dintlha tsohle di utullutswe ka botlalo le ka boqhetsake  -O araba potso ka botlalo le ka tsela e babatsehang	<b>Kgato ya 7</b> Phihlello e babatsehang 80 – 100%	<b>8 – 10</b>	<b>7 – 8</b>	<b>7 – 7½</b>				
-O bontsha kutlwisiso e tebileng ya potso ka tsela e kgabane, mme dintlha tsohle di utullutswe ka botlalo  -O nehelana le ho tshehetsa dintlha tsa hae ka bokgabane	<b>Kgato ya 6</b> E kgabane 70 – 79%	<b>7½ – 8½</b>	<b>7 – 8</b>	<b>6½ – 7½</b>	<b>6 – 7</b>			

<p>-O bontsha kutlwisiso e tebileng mme o hlalosa potso ka tsela e kgabane</p> <p>-Dikarabo tsa hae di a utlwahala le hoja tse ding di sa tshehetswa ka bottlalo</p>	<p><b>Kgato ya 5</b></p> <p><b>E ntle</b></p> <p><b>60 – 69%</b></p>	<p><b>7 – 8</b></p>	<p><b>6½ – 7½</b></p>	<p><b>6 – 7</b></p>	<p><b>5½ – 6½</b></p>	<p><b>5 – 6</b></p>		
<p>-O bontsha kutlwisiso e mahareng ya potso leha a sa utulla dintlha tsohle ka bottlalo</p> <p>-O tshehetsa dintlha tsa hae, leha bopaki e se bo kgodisang hakalo</p>	<p><b>Kgato ya 4</b></p> <p><b>E mahareng</b></p> <p><b>50 – 59%</b></p>		<p><b>6 – 7</b></p>	<p><b>5½ – 6½</b></p>	<p><b>5 – 6</b></p>	<p><b>4½ – 5½</b></p>	<p><b>4 – 5</b></p>	
<p>-O bontsha boiteko bo seng bokae ba ho araba potso</p> <p>-O bontsha kutlwisiso e sa tebang hakalo, e thekethekeselang ya bothothokisi</p>	<p><b>Kgato ya 3</b></p> <p><b>E fofo</b></p> <p><b>40 – 49%</b></p>			<p><b>5 – 6</b></p>	<p><b>4½ – 5½</b></p>	<p><b>4 – 5</b></p>	<p><b>3½ – 4½</b></p>	<p><b>3 – 4</b></p>
<p>-Kutlwisiso ya hae ya potso e bonahala e fokola haholo</p> <p>-O phetapheta dintlha a be a tswe lekoteng</p>	<p><b>Kgato ya 2</b></p> <p><b>Karolwana fela</b></p> <p><b>30 – 39%</b></p>				<p><b>4 – 5</b></p>	<p><b>3½ – 4½</b></p>	<p><b>3 – 4</b></p>	<p><b>1 – 3 ½</b></p>
<p>-Karabo e bontsha e na le kamano le potso, empa ho thata ho utlwisisa seo a se hlalosing</p> <p>-Dintlha tsa hae ha di utlwisisohe</p>	<p><b>Kgato ya 1</b></p> <p><b>Ha ho phihlello</b></p> <p><b>0 – 29%</b></p>					<p><b>3 – 4</b></p>	<p><b>1 – 3½</b></p>	<p><b>0 – 3</b></p>

## ADDENDUM 2 TO THE MEMORANDUM (SECTIONS B &amp; C)

## KAROLO YA B LE YA C: RUBRIKI YA HO LEKANYETSA POTSO E TELELE (YA MOQOQO) PADING LE TERAMENG – MATSHWAO A 25

DIKGATO LE KABO YA MATSHWAO		DIKAHARE		SEBOPEHO LE TSHEBEDISO YA PUO:
		<b>Matshwao a 15</b> Kutlwisiso ya potso. Botebo ba tshhekatsheko ya taba. Kutlwisiso le netefatso ya ntlhakemo ka mabaka a hlahang sengolweng.		<b>Matshwao a 10</b> Sebopeho, tlhophiso ya mehopolole le nehelano e nang le neheletsano e momahaneng e lebisang tlhalohanyong ya potso mmoho le puo, setaele le sehale tse sebedisitsweng temeng.
<b>Kgato ya 7</b>  <b>8 – 100%</b>	<b>Phihlello e babatsehang</b>  <b>Matshwao a:</b>  <b>12 – 15</b>	-O bontsha kutlwisiso e tebileng ya potso, mme dintlha tsohle di utullutswe ka botlalo le ka boqhetseke  -O araba potso ka botlalo le ka tsela e babatsehang	<b>Phihlello e babatsehang</b>  <b>Matshwao a:</b>  <b>8 – 10</b>	-Sebopeho se na le kgokahano e babatsehang  -Selelekela le qetelo di hlahisitswe ka tsela e babatsehang  -Tshebediso ya puo, sehale le setaele di sutsitse, mme di phehisa tlhahisong ya moelelo o kgahlisang, ebileng o nepahetse
<b>Kgato ya 6</b>  <b>70 – 79%</b>	<b>E kgabane</b>  <b>Matshwao a:</b> <b>11</b>	-O bontsha kutlwisiso e tebileng ya potso, mme dintlha tsohle di utullutswe ka botlalo -O bontsha kutlwisiso e babatsehang ya mofuta ona wa sengolwa	<b>E kgabane</b>  <b>Matshwao a:</b> <b>7</b>	-Sebopeho sa moqoqo wa hae se hlahisitswe ka bokgabane -Selelekela le qetelo di hlahisitswe ka bokgabane, mme di paka kutlwisiso -Tshebediso ya puo, sehale le setaele di nepahetse mme di loketse sepheo
<b>Kgato ya 5</b>  <b>60 – 69%</b>	<b>E ntle</b>  <b>Matshwao a:</b> <b>9-10</b>	-O bontsha kutlwisiso e tebileng mme a hlalosa potso hantle ka tsela e kgabane -O bontsha kutlwisiso e ntle ya mofuta ona wa sengolwa	<b>E ntle</b>  <b>Matshwao a:</b> <b>6</b>	-Sebopeho sa moqoqo se a utlwisiseha, mme dintlha di behilwe ka tatellano -Selelekela le qetelo mmoho le diratswana tse ding di hlophisitswe ka tsela e nang le momahano -Tshebediso ya puo, sehale le setaele bohole di hlahella di sebedisitswe ka tsela e nepahetseng
<b>Kgato ya 4</b>  <b>50 – 59%</b>	<b>E mahareng</b>  <b>Matshwao a:</b> <b>8</b>	-O bontsha kutlwisiso e mahareng ya potso leha a sa utulla dintlha tsohle ka botlalo -Dintlha do tshheditswe empa bopaki ha bo kgodise hakalo	<b>E mahareng</b>  <b>Matshwao a:</b> <b>5</b>	-Ho na le bopaki bo seng bokae bah ore sebopeho sa moqoqo se latetswe ka tshwanele -Moqoqo o bontsha tlhophiso e mahareng -Tshebediso ya puo, sehale le setaele di fihlella dithoko tsa motheo, empadiratswana tse ding ha di ya nepahala ka ho otloloha
<b>Kgato ya 3</b>  <b>40 – 49%</b>	<b>E fofo</b>  <b>Matshwao a:</b>  <b>6 – 7</b>	-O bontsha boiteko bo seng bokae ba ho araba potso  -dintlha ha di kgodise hakalo, athe le kutlwisiso e a thekethekesela	<b>E fofo</b>  <b>Matshwao a:</b>  <b>4</b>	-Sebopeho se bontsha diphoso tsa moralo  -Nehelano ya dintlha ha e utlwahale  -Diphoso tsa tshebediso ya puo di totobetse

<b>Kgato ya 2</b>  <b>30 – 39%</b>	<b>Karolwana fela</b>  <b>Matshwao a:</b> <b>5</b>	-Kutlwisiso ya hae ya potso e bonahala e fokola haholo -O phetapheta dintlha, a be a tswa lekoteng	<b>Karolwana fela</b>  <b>Matshwao a:</b> <b>3</b>	-Sebopeho ha se a ralwa ka tshwanelo, mme se nyotobetsa moelelo wa seo a lehang ho se bua -Diphoso tsa puo ke tse sitisang le ho nyotobetsa moelelo ka hohlehohle -Popo ya diratswana ke e fosahetseng
<b>Kgato ya 1</b>  <b>0 – 29%</b>	<b>Ha ho phihlello</b>  <b>Matshwao a:</b> <b>0-4</b>	-Karabo e bontsha e na le kamano le potso le potso, empa ho thata ho utlwisisa seo a se hlalosing -kutlwisiso ya hae ya mofuta ona wa sengolwa ke e fokolang haholo	<b>Ha ho phihlello</b>  <b>Matshwao a:</b> <b>0 – 2</b>	-Ha ho bopaki bo bontshang hore moqoqo o ngotswe ho ipapisitswe le sebopeho -Nehelano ha e bontshe hore o utlwisisa potso -Tshebediso ya puo e a fokola, setaele le sehalo di fosahetse, mme diratswana le kgokahano ha di yo.

